

Neuzeuger Messerer - Rud

Rudenkirtag Sierning Faschingdienstag 25.2.2020



<p>Harry und Meghan san unbeschwert wissn nimma wås sih gheart rennan ånstandslos scho' dem KিনিহäuSl davo Gott sei Dank gibts uns nuh ållweil mia bleibn da Tradition treu dö unsa Rudnkirta hát d'Messerer sågn wieder Griaß Gott</p>	<p>d'Siernger Polizei hát gånz versiert a Schüberl Hånf konfisziert muaß trickert werdn im Postnkeller dånn geht s'Untasuacha schneller s'gånze Haus vaströmt dann åft an vaführerischn Duft jetz hábns an Zulauf nå' da Reih ba Rettung und ba Polizei</p>
<p>Da ålte Blei va Wolferrn drunt hát an Ahnlbuabn ganz gsund der hát sein' Opa ungeniert ban Foahrradl ös Liacht tranchiert wia kånst denn sowås toa frågt er den umtriebign Bua då sågt der Kloa gånz unschuldig du foahrst já eh nia damit</p>	<p>Da Pfistermüller Lois und d'Mariann san ban Begråbnis z'Sierng, und dånn zur Zehrung fåhrns zan Båchmoar schnell då kimmt daher koa Menschnseel åft frågns nåch und san glei gscheita zan Hiasmoar z'Schiedlberg sollns weita wias dort å'kemman gråd zrecht wår eah va lauter Hunger schlecht</p>
<p>Hearst du långe Redn gern muaßt ön Dokta Kain zuahearn wird selbn ganz ei'wen'i dabei waar a guata Pfårrer glei åber Pfårrer, já mei' möcht er doh net so gern sei' weil då derfat er, oje erst mit åchzg in d'Rentn geh</p>	<p>Va Hülbern drausst da Frånz Mayr da Ehrnkapellmoasta is heuer ban Rudnkirta wieda då mia hoffan schwaa' dös is a so vorigs Joahr då wår er net weil eahm mehra Zåhnd hábn gfeht und då hätt er gwiß dö schöna Gstanzl net dabeissn kinna</p>
<p>In Föhn zan Hoartrickan, vadåmm haut da Brunnbaurn Håns zsåmm muaß zur Stråf dånn glei morgn da Frau an Neuchn besorgn treuergebn måcht er dös obwohl dös oane is gwiß er brauchtn wohl zan Bastln nur selbn hát er já koane Hoar</p>	<p>Chorprob ba da größtñ Hitz d'Plass Traudi treibt da Schwitz geht in da Hauptschul hoamli duschn ká' koa Håndtüachl dawuschn muaß zan Trickan ohne mäuln untan Håndetrockner kreuln va lauta Biagn und Drahn, ha Schmårn is's wieder schwitzat wordn</p>
<p>Da Pfårrer Sperker hát ståttn Segn åm Muttertåg d'Empfehlung gebn mia Månna solln dö Frauen bloß zan Essn ei'lådna groß wia kå' a Pfårrer so an Segn uns bitterårme Månna gebn der uns dö Existenz fåst eahm selba åber goar nix kost</p>	<p>Da Mannesberger Håns is a Månnsbüld a gånz is jetz Oberaufsichstråt muaß auf Zack sei', denn er hát åls Friedhofswårter sicherlich tausend Leut unter sich und hunderttausend Würm muaß er ah dirigiern</p>

<p>d'Moser Irene, d'Halusa Traudi und d'Brunmoar Renate håbn a Gaudi wårn neuli richti fesck banaund håbn å'ghåbt s'gleiche gelbe Gwånd måchans Werbung dö drei fürs Modehaus oder d'Partei oder sans jetz scho fix åls gelbe Engerl unterwegs</p>	<p>Raika-Vasåmmung in Sierng kånnst vül Infos dabei kriagn ön Wetterfrosch Christa Kummer habns åls Vortrågende gnumma s'neuche Elba findt's net schlecht leider net Blondinen-g'recht ståttn Joahreszins gibt's dånn åls Liachtl für Årm und Reich a Paarl Würstl</p>
<p>d'Huemer Traudi, gsund und fit singt ban Tånzn laut mit da Bandleader heart dös frei holts auf d'Bühne auffi glei då singt dö Kåmmerobfrau wia a ålta Profi scho' ålle Gäst håbn gmoant danå d'Helene Fischer wår då</p>	<p>Da Klimawåndl, oh Gott bringt uns ah schö kloa in Not auf da Bühne då herobn wird's jeds Joahr heaßa, låsst enk sågn dös kimmt net van C O 2 weil dös Klima, dös is kloar låsst sich nur mit ordnd'lich nettn Bier und Weinspendn rettn</p>